

*Adnot.* — *Ph. umbonata* MAYR typica etiam a Dom. BIRÓ copiose collecta. — *Selco, Beliao, Tamara, Rostalou.*

### 70. *Pheidole lobulata* n. sp.

*Miles.* Rufo-ferrugineus, nitidus, gastere fusco-flavescente, antennis pedibusque flavis, copiose pilosus. Caput elongatum, postice profunde excisum et medio sulcatum, sine impressione transversa verticis, lobis occipitis rotundatis, clypeo brevi, medio breviter carinato; frons et genae longitrorsum rugosæ, rugis seu carinulis paulo ultra dimidiā capitis longitudinem prolongatis; occipitis latera rugis irregularibus interruptis; laminæ frontales antice in lobum auriformem productæ, postice in rugam subtilem paulo ultra dimidiū caput continuatæ; fovea superficialis rugis destituta utrinque pro apice scapi qui dimidiū spatii inter oculum et marginem occipitis non attingit. Mandibulæ leves, sparse disperse punctatæ. Thorax superne levis et nitidus, lateribus punctatus ut in *Ph. umbonata*, sed latior et robustior, promesonoto valde convexo et utrinque producto, spinis epinoti validioribus. Petiolus latior, postpetiolus utrinque distincte angulatim productus. — L.  $2\frac{1}{2}$  mm.

*Operaria.* *Ph. umbonatae* proxima et paulo validior, laminis frontalibus antice distinete in lobulum elevatis atque spinis epinoti longioribus agnoscenda.

*Friedrich-Wilhelmshafen.*

### 71. *Pheidole cryptocera* n. sp. (Tab. VIII. fig. 26—27.)

*Miles.* Ferrugineus, clypei mandibularumque margine fusco, antennis pedibus et abdomen lutescentibus, capite thoraceque maxima parte opacis, abdome nitido, copiose pilosus et vix pubescens. Caput magnum, quarta parte circiter longius quam latius, lateribus subparallelis, postice profunde angulatim incisum, mandibulis validis, convexis, nitidis, apice bidentatis, clypeo plano, nitido, antice medio anguste emarginato, laminis frontalibus divergentibus, sigmoideis et usque ad  $\frac{2}{3}$  longitudinis capitis productis, antice lamelliformibus, elevatis, scrobem scapo æquiloniam limitantibus; vertex sulco longitudinali et impressione transversa distincta. Superficies capitis creberrime reticulato-punctata, præterea rugis in fronte at genis longitudinalibus confertis, in vertice et occipite in retem laxum rugarum transeuntibus, cuius areolæ in occipite nitidæ; scrobs profunda rugis caret et ab impressione pro apice scapi versus oculum oblique descendit. Oculi ad  $\frac{1}{3}$  longitudinis capitis. Thorax promesonoto transverso, subrhomboidalis, angulis lateralibus rhombi valde prominentibus, sed rotundatis, sutura mesonotali debili, mesonoto plano, utrinque subemarginato et obtusissime dentato. Dorsum thoracis post mesonotum ad epinotum abrupte descendit, hoc spinis obliquis, mediocribus armato. Thorax sicut caput reticulato-punctatum, pronoto superne rugis nonnullis transversis. Petiolus